

OMUKWETU

Registered at the General Post Office as a Newspaper

10c

OMUMBISOFI MOSHI A HULITHA

NAIROBI, Kenya - Omumbisofi Stefano Reuben Moshi (70), ngoka a kala ethimbo ele omuwiliki gwongeleka Onkwaevangeli paLuther muTanzania, okwa si numvo, 14 Aguste, konima yuuwehame wiiwike yimwe.

Omumbisofi Moshi, oye gwotango Omwafrika Omukwaluther a ningwa omumbisofi, 1960. Okwa kala omupresidende gwongeleka Onkwaevangeli paLuther muTanganyika (ngashingeyi Tanzania) okuza 1955-1958.

Uusitagongalo okwe u yapulilwa 1950. Okwa kala oshilyo shOkomisi yEtumo shOongeleka dhAakwaluther mUuyuni, nomOkomisi yEtumo nOkweevangelitha mOongeleka dhahangana mUuyuni, osho wo mewilikongundu lyompitithi lyokweevangelitha lyAakwaluther yahangana mUuyuni.

Moshilongo shawo omumbisofi Moshi okwa li omunashipundi gwomahangano, gatatu: The Christian Council of Tanzania, Good Samaritan Foundation na YMC.

Omulumentu nguka a tseyika, gwoohapu ombwanawa nomatokolo ga kola ge na elalakano, okwa kala nale omupopi gwemanguluko osho wo epumbwathano lyakriste muuyuni ahe.

Momumvo 1962 sho a lia kundathanwa naye kaaniifo okwa ti, kutya ekwatathano pokati koongeleka dhAayafrika noongeleka dhEuropa niilongo yokUuninginino "inali kala we ngaashi omunona naakuluntu ye, ihe nali kale ngaashi aamwayinathana .



Nakusa omumbisofi Stefano Moshi

Inatu popya we ongeleka netumo, ihe ongeleka nongeleka", osho Moshi a ti.

Omumbisofi Moshi, omulumentu a simana mongeleka yawo, okwa li a ningwa omumbisofi ye a ka ethe po oshilonga shika uuna ta li oshikwiila shevululuko (a penzelwa), ihe okwa shunwa mo ishewe. Kalunga okwe mu zimbula miilongayakulo ye nando okwa li twe mu pumbwa.

(LWF)

Ehokololo ekwawo tala kep. 4

OMWENE A PENDULILA MOSHIWANA
ESHI OMUPROFETI

Ondaka ya dja kOmwene ya pewa meme Justina Haihambo, otai ti:

- * Ovakriste aveshe nave lidilulule, Mat.4:17
- * Ovashunimonima nave lidilulule vo va alukile meongalo.
- * Ovatei veehombo nave lidilulule nokuwapa-leka eenghatu davo.
- * Ovapaani aveshe nave lidilulule nokuya kuJesus ve mu tambule ngOmukulili wavo.
- * Efimbo levakulo lovana vaKalunga ola fika. Elaka eli meme Justina okwe li pewa e li tumine omaongalo aeshe nokovafita aveshe. Okwa mona yo ehololo kutya efimbo otali uya, mulo oiyandjiwa tai kondjifwa i efiwe nophonhele yoipango yaKalunga tava tula po omikalo dikulu doshiwana.

Omuprofeti ou okwa pewa elaka tali ti, kutya eongalo laKristus nali diinine eendjovo daKalunga notali pewa eenghono dokombada kOmukulili. Omutondi womushiyakano ota hetekele okulonga neenghono a findane, ndelene ou te lineekele Kristus ita findwa.



Omusitagongalo Toivo Pentikainen

Oye okwa pewa yo a tumbule eendjovo edi: "Kalunga kange onyofi yongula tai pitile nge".

Efindano otali monika ashike mokulineekela onyofi Kristus, 2 Petr. 1:19; Ehol. 22:16.

Evakulo lovana vaKalunga, otali popiwa mOmbibeli kuJesus mwene, Mat. 25:31, osho yo 1 Tess. 4:16-17. Osho Omwene a hala okulongekida ovanhu ve lilongekidile etambulo eli. Meme Justina okwa dalelwa moupaani 1931. Ye mwene ota hokolola kutya okwa pewa e-

laka a tambule eendjovo daKalunga ye e di diinine noku di lombwela yo ovanhu.

Opo nee okwe lidilulula nokwa ya mofikola yeshasho (1951) mOndobe. Epapuduko linene eshi la wila mOngeleka ei 1952, ye meme Justina opo ta fikola ekoleko. Naye yo okwa kwatwa komhepo yepapuduko nokudiinina eilikano.

Omudo 1958 okwa hombolwa nokwa ya kEembaxu, meongalo omo ta kala fiyo opaife. Omudo 1970 okwa pewa natango elaka mOmhepo kutya ngenge ta mono ouyelele mombaba yoshipala shaye, nena efimbo levakulo lovana vaKalunga, ola fika nee.

Efimbo alishe olo la pita okwa kala a teeela oshiholekwa eshi. Omudo tuu ou 1976, ouyelele owa holoka nokuli. Omuprofeti ou ota monika a djala alushe ohema itoka ile ngashi e shi kumaidilwa kOmhepo.

Omudo 1975, okwa pewa natango elaka omudjalo ou e u mange nepaya litilyaana. Momudo 1971 fimbo ina tumwa okutwala ko etumwalaka lOmwene komaongalo, okwa mona mundilo wa xwika omilungu daye, opo di yapulilwe okwiilikanena ovo va longa oionga youkolokoshi.

Okwa pewa a ye komaongalo amwe omu E-LOK, omadina a tumbulwa, mupya munene, omaongalo amwe inae mu tambula. Etumo eli otali twikile neudo eshi eti 27 Febuluali a pewa mondjodi a lombwele ovatumwa Ovasoomi ve lilongekidile evakulo osheshi ola fika.

Eshi okwe shi ninga nombilive ei ya lëshwa komukulunhutumwa eti 15 laMaalitsa, ovakulunhu nounona aveshe ve lilongekide. Ovatumwa aveshe ova shiivifilwa oshinima eshi.

MuApilili 1976 omuprofeti ou okwa pewa natango elaka e li tumine Ovaisrael, kutya efimbo levakulo ola fika. Paindilo laye, omukulunhutumwa mOwambo, okwa shangela omutumwa Risto Santala, ou ta ka ya kulrael, opo a twaalele ko elaka eli lomuprofeti Omuwambo.

Meme Justina omulinipiki. Okwa yelufwa meulu nde ta mono eke laye lokolulyo la kwatwa nde tali shitombifwa omunwe waye ou wa kula noshihako. Mongula eshi kwa sha, omunwe ou owa hovela okukala tau pi.


Ye mwene ota ti: "Omwene okwa ningila nge oinima inene".

Neudo, 10 Maalitsa, okwa mona edina laye la shangwa neendada da kula tali monika keulu. Okwa lombwelwa ngaha:

- * Ino handuka
- * Ino tokola
- * Ino denga nande okaana

Okwa kumaidwa yo ehe linenepeke, osheshi ye oshidimakuni sha nakulwa momulilo, Sak. 3:2. Meme Justina ota indile omaongalo e

Tala kep. 3



Omusitagongalo Reinhold Muremi, ngoka a galuka keilongo lye kombanda yomafuta petameko lyomumvo nguka. Tate Muremi, okwa tsikile nelelo lyegongalo lyomoNkarapamwe, moKavango.

Omuprofeti moshiwana

Da dja kep. 2

mu dimbulukwe momailikano, opo a kale e na eenghono nouidiinini.

Ashishe osho te shi popi, oshi na ekwatafano nOmbibeli. Oye kwa fa a tulwa pokomwene, okulongekida eongalo laye mefimbo eli. Okudiinina eendjovo daKalunga, osho oshinima te shi kumaidile omaongalo.

Toivo Pentikainen

MONGENGA OVA DANA YO OMISSIONI

"Ohandi ku tula po u kale ouyelele woiwana, exupifo lange opo li kale fiyo okominghulo dounyuni", Jes.49:66.

Eshi osho sha li oshipalanyolo shoshivotumo meongalo Ongenga, meti 28-29.8.76. Ovanhu ve dule 8 000, okwa li va kala moshivilo eshi, okudimbuluka eshi eendjovo daKalunga da udifilwa lwotete moUkwanyama.

"Oshilongo onda li ku shi enda, ndele nghi wete mo eumbo lohamba, eengulu ngoo ndi wete", osho omuhovelifi woshivilo tatekulu G. Nghixulifwa a tumbula nokwa hokolola nghe omuxunganeki a kala moUkwanyama, Shishaama shaNdunge, ou a mona ovahongi mexunganeko. Osheshi okwa ti: "Nghi shiiko oku tava di, ndele nda mona ko oku va yuka, ve uya va tula mOndonga, ve uya nokUkwanyama, fiyo okOuninginino", osho omushamane Nghixulifwa a ti.

Moshivilo eshi ohamu dimbulukiwa omuhongi omusoomi Tolonen ou a taululile Oukwanyama fiyo okuKunene pamwe novahongi Ovandowishi ava ve ile okutula mombala yaUeyulu, mOndjiva. Edina lohamba Ueyulu yaHedimbi, ou a ka ifanene ovahongi kOndonga, ve uye va udifile Ovakwanyama, nalo ohali tumbulwa yo luhapu.

"Mefiku laMissioni, Jesus ota eta epulo kutya ota mu ti ngahelipi amushe ovo mu li apa, mOngenga? Efiku eli olo fye vepipi eli, twa pewa onghenda tu

dimbuluka edalo letu. Omudali na hambelelwe eshi twa ninga ovaneumbo laKalunga". osho omufitaongalo Elia Haipinga a tonga ou a li omuudifi melongelokalunga pa Mat.21:28. Okwa ti yo:

"Evangeli ola tandavela molwelyaaluluko. Omunhu ou e liyaluluka, oye a wanifa ehalo laKalunga. Jesus nonena ota fikama mOngenga, ta pula keshe umwe, kutya o to ti ngahelipi eshi nde ku tuma u twaalele elaka lexupifo?" Meshasho omo twa dimina kutya "heeno".

"Otamu ti ngahelipi mwa tambula eshasho ndele kamu na nande oshilonga shasha? Kotokeni muha tetekelewe kovakolokoshi mouhamba waKalunga".


KALUNGA OYE OMUFINDANI

Elenga lakula laUkwanyama Elia Ueyulu mokupopi fa ovakwashivilo okwa tumbula ngaha:

"Eudifo leni olo la longa ngaha. Didilikeni kutya o twa ifanwa. Ngenge ito shikula eshi wa ifanewa nena osha fa omunhu to mu pe ouvalelo ndele ita li. Oshilongo shaKalunga kape na nande olyeye te shi kwata komesho. Kaku na ou ta hepa eshi ta yandjele Kalunga. Natu kongeni Kalunga fye tu li longekideni, opo tuhe ke li pe oush'ma".

Omuyevangeliste wongeleka Natanael Shinana ou a li omuudifi munene woshivilo okwa ti yo kutya:

Tala kep.8



Omuwiliki gwOshinyanyangidho sha Elok, ta-te Moses Amkongo, okwa kala ngashingeyi iiwike yi vule iyali mefudho. lilonga yOshinyanyangidho methimbo ndyoka, hewa oya tsikile ngaa nomambo gamwe ngoka ga yuu lukiwa ethimbo ele, ngaashi Okambo kelo ngelokalunga nOndjalulamasiku, oge li pokuholoka.

Dha za kep. 3

"Etumo nali hovelululwe. Ombili yaKalunga ngenge otai kala mufye Jesus Kristus ota ningi omufindani".

ONDJOKONONA YEONGALO

Omufitaongalo mukulu tatekulu Paulus Nailenge okwa hepaulula ondjokonona yeongalo. Elia Shedile ou a tota po eongalo, Iongenga okwa hanga omikunda da yada ovapaani. Okwa yandja yo ekumaido opo ku talike ashike Kalunga kashili osheshi ounyuni owa yuka pehulilo.

ETUMO OSHIKE?

Omukulunhutumwa wEhangano IOvasoomi, omushamane Olle Eriksson, moshipopwiwa shaye okwa fatulula nhumbi etumo tali ti:
"Olo enyamukulo kepulo laJesus: Olyelye handi mu tumu? Olo epandulo eshi twa tambula exupifo".

JESUS OYE A LONGA TETE OSHILONGATUMO


Hamushanga omukulunhu Petrus Shipena mekundo laye okwa tonga kutya efiku eli olo tali tu dimbulukifa efilonghenda laKalunga ou a longifa ovatumwa. Kalunga oye a hovela tete oshilongatumo, eshi a tuma Omona. Etumo otali dulu ashike okulongwa kwaavo ve na ohole meemwenyo davo.

Pokati koshipopwiwa opwa kala eendjibo tadi kwelengendja, na aveshe ova li va tomhelwa kutya Kalunga okwa longa shili oikumwifa mokati kavo, eshi sha holoka mwaavo inava wanifilwa po nawa ovakabelindunge.



Omusitagongalo R. Brueckner omuwiliki gwo-shilonga sheputudho lyopakriste (Christian Academy) muUmbugantu waAfrika.

Hela tuu aatiligane ya luku aaludhe "hashilumbu", aantu inaa gwana po, kaye na uuthekepamwe; okuza mpoka aatiligane oya ka nitha wo uuntu wawo noshifetha shaKalunga. Aaludhe omwa hepekwa kiilonga oyindji yaatiligane ethimbo ele. Tamu vulu tuu okuhepa natango moku tu kwatha, opo tse aatiligane tu shune natango monkalo yopantu? R. Brueckner



Justin Ellis, amushanga guukumwe waakriste (Christian Centre) mOvenduka.

Ongeleka inayi longa nando esiku limwe ii-lyo yayo yi ninge iipotha nenge yi longithe okatongotongo. Ongeleka oya kala, unene moshilongo shika, tayi kambadhala okukeelela Epangelo iinima mbyoka yaa ningwe.

kaape na omalimbililo mushika, kutya osho tashi kala aluhe oshinakugwanithwa shOngeleka, okuyelithila aantu omandhindhiliko gomathimbo, elalakano lyaKalunga li dhimbululwe neiuvo momuntu kehe li mwenyekwe. Justin Ellis

Efumviko lyomumbisofi Moshi

Aantu taku tengenekwa ye thike 100 000 ya za koombinga noombinga dhaTanzania oya li ya gongala pefumviko lyanakusa omumbisofi Moshi.

Maalilasa mbaka omwa li oministeli yotango yaTanzania, Rashindi Kawawa osho wo oministeli dhepangelo ne, aambisofi yatano naasitagongalo 200, ya za miitopolwa yaTanzania.

Omumbisofi Moshi omuwiliki gwiilyo 700 000 yaAakwaluther muTanzania, okwa li a popiwa koministeli yotango ongomuleli ngoka a li neiumbato li li pombanda (high integrity).

"Oshigwana osha kanitha omuleli", osho Kawawa a ti.

Omumbisofi Theofilo Kisanji gwOngeleka yaAamoravia muTanganyika lyokUuninginino oye a ningi evutho melongelokalunga ndyoka lya wilikwa komumbisofi Sebastian Kolowa omuwiliki gwoshitayi shokUumbangalantu (ELCT) Omukwaluther, muTanzania.

(LWF)

Enongelo lavoyakuliongalo, mEngela, otali ka tameka noilonga yalo efiku 1.2.1977, Omwene ngenge e shi hala. Eengudu:

- a) Ofikola youfita
- b) Ofikola youdiakoni
- c) Ofikola youtekuliumbo
- d) Ofikola yovapofi
- e) Ofikola yeembolo na
- f) Ofikola yovayambididwa

Eengudu edi adishe, kakele kongudu (a), otadi ka tambula ovalumenhu novakainhu. Omaidilo aeshe, naa kale a fika eti 30.11.1976.

Eembapila da pumbiwa;

1. Eindilo lomunhu mwene
2. Enyolululo lodjapo yaxuuninwa la shainwa kulomlongi
3. Ombapila yeongalo
4. Epopilo lomunashilonga umwe meongalo

Ou a hala mofikola youdiakoni, na kale a pita Ostanda VI noutekuliumbo ile e na odjapo yofikola yOmbibeli.

Ou e na ofoloma yasha, naye ota tambulwa.
Ipinge-Kristof Shuuya

AATEKULIGUMBO MWA HIYWA

OSHIGONGI SHAATEKULIGUMBO AAKULU, OTASHI KA TAMEKA NOHUNGI MENGELA, ETI 18 NOVOMBA 1976, KALUNGA NGELE E SHI HALA, NOTASHI KA HULA ETI 21.

Ipinge-Kristof Shuuya

EFIMBO ELI VAHAPU OTAVA KANIFA EITAVELO LAVO, OVE NAAME OTU LI PENI?

Okukanifa eitavelo nokukondjela eitavelo kashi fi oshinima shipe. Mokukala meitavelo osho yo okukanifa eitavelo, oshinima shi na eenghathu. Eitavelo loovene oli na okukala lelikolelela ku sha. Okuhaitavela ile okukanifa eitavelo oku na yo okukala omatomhelo asha.

MEtestamendi Likulu ohatu hange Moses omumati waKalunga, eshi Kalunga e mu tuma koshiwana shaye moupika waEgipite, kutya okwa li yo a limbililwa. Ota ka tya nee okwa tumwa kulyelye?, Ex.3:14. Konima Kalunga eshi a fatululila Moses nawa kutya oye lyelye, Moses okwa mona omukumo mokutwala etumwalaka kuFarao.

Otashi dulika nee pamwe okukafatululila nawa ovo va limbililwa meitavelo inava mona efatululo okushiiwa Kalunga kootate! Otashi dulika yo inava shiiva ondjabi yeitavelo "Ou a itavela ndele ta shashwa, ota xupifwa".

MEtestamendi Likulu omo yo hatu hange ovo itava limbililwa, Job.42:2 Kalunga iha nyengwa okuwanifa omhangela yaye.

Okuhaitavela ohaku twala fiyo omelikukutiko, Ex.7:13. Ndele okulimbililwa otaku twala mokuhaitavela, Ex. 7:11.

Okupilikwa kwomesho okomwenyo nokufita kwomatwi okomwenyo, kashi fi shimwe shi lili shihe fi okulimbililwa.

Omapenda aKristus

Ovatengauki, ovalimbililwi, ovasheki, ovaadinikalunga, ovanaihelele, ovanamakoto, ovahepeki, ovafimaneki vokalunga, ovanalwiso lounyuni ou, aveshe ovo ovahepeki vovaitaveli. Ovo yo ovatandavelifi voonakutyolola meitavelo.

Fye ohatu dimbulukwa omapenda aKristus nghee e li ofika koshipala shaKalunga notaa kondjo, Dan.3:26. Ohashi dulika yo mongudu yovadinikalunga mu likolwe umwe wavo paenghono daKalunga. Dan.3:28. Omuyapostoli Paulus okwe li dilulififa omukeleli wodolongo opamwe neumbo laye.

Ofimbo ovanhu vamwe tava tyolola meitavelo, vamwe otava fikama mulo. Ava va denga omuhokololahonde Stefanus nomamanya pokufya kwaye okwa ingida tati:

"Omwene Jesus, tambula Omhepo yange. Omwene ino va valulila etimba elil!"

Ignatius Omubishopi womuAntiokia (116 konima yaKristus) mokupangulilwa a ka yandjwe koifitukuti kuRoma omupanguli waye Trajanus okwa li a uda nai eshi a pukululwa kependa Ignatius.

Eshi omukeshali a panda oikalunga ponho yaKalunga. Ndele eshi Ignatius ta ekelwa koshiunda sheenghoshi eendjovo daye da xuuninwa oda li: "Ame olulya lOmwene, ohandi lungwa nena komayoo oifitukuti, opo ndi ninge omungome woshili waKristus."

Justus koshipala shaRustikus eshi a fininikwa a lombwele oikalunga, okwa ti: "Oinima ayishe onde i makele ndele mehongo eli loukriste omo amuke nda mona etulumuko nombili."

Tati: "Fye otwa itavela muKalunga umwe; nohatu hepaulula Jesus Kristus umwe, oye Omona waKalunga."

Kashikumwifa unene ngenge nopefimbo eli eshi vahapu tava kanifa eitavelo lavo, ndele vahapu otava kolekelwa mulo. Omubishopi womido 90 Polykarpus womuSmirna okwa tokolelwa eflyo komukalo wokuxwikwa e na omwenyo. Okwa tumbula koshipala shovakwaita vomukeshali Markus Aurelius ta ti:

"EHALO LOMWENE nali wanifwe."

MuKartago omwa li omunyasha omukainhu weedula 21. Ndele eshi omunyasha winya kwatwa omolweitavelo laye, xe okwe mu indila a efe eitavelo laye okwitavela Jesus Kristus ndele ye okwa ti:

"Itandi dulu okufila sha shi lili shihe fi okufya ame omukriste."

Fye naave otu li peni?

Ngenge otwa uiikilwa nghee ovo ve tu tetekela mekondjo lomwenyo waalushe, oshike nee itatu fikama ashike ngaashi omapenda aa. Okukondja fiyo exulilo oko okufyuulula omwenyo waalushe paumwene.

Exupifo olo twa hala olopaumwene mehanganano lovaitaveli vaJesus Kristus. Ino ninga "dha yendji" pakukanifa eitavelo, ndele ninga shanamutete, ove, ame, tu ka tambule oshishani shefindano.

I. Sch. Hainghumbi

OMUMVO GWETUMO MU ELOK

Ongeleka ya Elok otayi longo oshilongatumo koombinga adhihe: kOkavango, kuuzilo mUukwanyama nomOndonga, mokati kAayebele, Muuninginino oshilongatumo otashi longwa unene mAadhimba, mAahimba nomaapagani ooyakwawo nomuAngola.

Mokulela oshilongatumo ope na Ewilikongundu tali wilikwa komukuluntutumi gwa Elok, omusita Josia Mufeti. Ope na wo Ombelewatumo mOngwediva.

Momumvo nguka (1976) otu na omumvo gwetumo, oshoka petameko muJanuali, aatumwa Aawambo yotango oya lalekwa okuya koshilongatumo pondje yoshilongo, kuSENEGAL muAfrika. Ngashingeyi otaa ilongo elaka lyOshifuranisa, muFrankryk.

Tala kep. 8

OMAONGALO TAA KONDJELE ETUMO

Omolwetumo omaongalo okwa etelela oilandifomwa opo etumo li mone oimaliwa. Vhapu ova eta oikutu oyo ya landifwa po naimwe oya tumwa kOvakwanghala.

Mokuninga omafiyafano omolu etumo. Engela eli ina yomaongalo inali hala oku kalwa komesho nande keongalo limwe. Unene ova-hongifikola ova udafana moshinima eshi kutyanga manga olo ina yomaongalo olo li na okukala tali ongele shihapu. Manga Ongenga tai ti: Okahaluni nopeumba ekuta lokomutengi ihali kufa ondjala. Nande nava kendabale otava teke ko omeva, osheshi vo ovaenda. Shapu ohatu i moyuunda nge meendjato mwa pu.

Omaongalo aa avali a kala taa lwile moipundi, ndele tae li fiye ofika yonhanganana, aeshe okwa etelela R 200,00. Omahongaifo eshi a ningwa mahapu, nakudala a ka pita nga. Ndele Ongenga natango otai ti: Opo natango tapa talwa nawa, osheshi inapa endwa nawa.

"Ohalunhi nopeumba lako"

Omaongalo okwa ninga nee ngaha:

1. Engela	R292,75
2. Ongenga	R220,00
3. Endola	R 70,00
4. Onhelewa	R 55,20
	(neelata2 doilya)
5. Ohalushu	R 46,00
6. Ondobe	R 40,00
7. Edundja	R 31,00
8. Olupandu	R 21,00
9. Okalongo	00,00
10. Ongwediva	00,00
11. Okatope	00,00
12. Eenhana	00,00
13. Omundaungilo	00,00
14. Eembaxu	00,00
15. Kongo	00,00
	Kumwe: R 775,95
Ongalo yoshivilo	R 100,63
	R 876,58

Oimaliwa ya landifwa 17,50
Aishe kumwe ya ongelwa moshivilo R 894,08

Ohatu pandula unene omaongalo oo a eta sha koshivilo shetumo. Ndele omaongalo a tulwa oonola otaa teelelwa nga a ete sha omolwetumo. Ondi shi shi omaongalo inaa holoka omolwomafimbo madjuu, ndele ope na

omhito okutuma osho sha ongelwa keongalo omolwetumo.

Ohatu pandula eongalo Ondobe olo la tuma nande inali holoka. Ohandi indile nelininipiko eongalo keshe li kume ko momudo keshe koshilonga shetumo. Eongalo olo inali tumasha otali talwa li na ongunga.

Kalunga na pandulilwe ovanhu vaye tave mu hambelele alushe!

Omupashukilishitaingeleka shaUkwanyama
F. Shikomba

KALUNGA OHUUVU KO ETA KWATHA

Mpaka onda hala okweeta ebandulo enenene kuTate gwOmegulu, osho wo kaantu ooyakwetu mboka mwe tu ningile uuwanawa owindji pethimbo lyuuwehame watate Epafra Amadhila.

Eti 28/6/1975 sho a li a kwatwa kuuvu u vule oonkondo dhe nokwe etwa mOnandjokwe esiku oloyo tuu ndyo. Kakwa li ta popi nandenande. Oondohotola naayakuli ayehe oya limbililwa kuuvu mbuka, ihe Kalunga kaNangombe sho ihaa nyengwa kusha, okwa longo oshilonga she shealudho.

Ngame wo konyala onda li nda limbililwa kuuvu mbuka, oshoka owa li po unene shili nokapwa li pu netegelelo lya-sha lyealuko. Onkee nda hala shili noku-halelela ndi pandule nda mana mo.

Otandi mu pandula one ookuume ketu mwa li mwa galikana opo tate Amadhila a aluke. Otandi mu halele eyambeko enene. Unene tandi pandula wo aalongi ayehe momukunda II, ngele mboka mwa longo omutenya nenge uusiku, osho wo ayehe mOnandjokwe ya kwatha palutu nopamwenyo.

Natango inamu vulwa okugalikanena aa-vu yalwe ishewe mOnandjokwe nenge momagumbo.

Ngashingeyi Amadhila oku li nawa, ta longo iilonga ye yomegumbo. Nande ita longo we mbiyaka yokombelewa. Tangi komakwatho agehe geyakulo nuunene komagalikaneno geni.

Hilma Amadhila

OONGALO DHETUMO MOSHITAYINGELEKA SHONDONGA (1976)

Onayena	R100,00
Omuntele	R100,00
Elombe	80,00
Oshigambo	70,00
Oshitayi	60,00
Eheke	60,00
Olukonda	56,50
Ontananga	55,00
Oshaango	55,00
Oniipa	50,00
Kumwe	R686,50

**OMUNAMBELEWA ta pumbiwa
mOnandjokwe**

Na kale e na Omatilika noshilonawa shuunangeshefa (commerce).

Ngele oku na Ojuniolo (St. VIII), na kale e na wo uunonao wiilonaa yopambelewa.

Omaindilo naqa nyolwe moshlingilisa, go na-ga tumwe kOmbelewa yliniwe, manga 15 Novomba 1976, Inaali thika.

*Onandjokwe Lutheran Hospital,
P/B 2016 ONDANGWA 9270*

**AANONA AANAMAGANO OYA
PUMBWA EKWATHO**

Aanona aanamagano oye li pomuthika gwopombanda shi vule elongo lya S. Afrika. Aanona mbaka oyo aayeti yuupyakadhi monkalathano, osho omuprofesoli S. P. Jackson, a hokolola.

Omusamane Jackson okwa ti kutya shono sha pumbiwa osho okukutha po uupyakadhi waanona mbaka manga kuyeke, ya kaliwe nayo nawa, opo ye ete po iinima lipe moshilongo.

Oludhi lwaanona ya tya ngeyi, otalu adhika maatiligane nomaaludhe, osho a ti.

Okulonga omunona shi thike pomagano ge, osho sha simana unene melongo lyomunona kehe.

**ETHANEKO LYASMITH INALI
TAAMBWA KO**

Aawiliki yaAfrika (yatano) oya tindi efaneke lyomusamane lan Smith oministeli yaRhodesia pafaneke lyaAmerika naBritania opo Rhodesia li pewe epangelo lyopakathimbo lyaantu oyendji.

Oya holola kutya okutaamba ethaneke lyomusamane Smith nena osha faathana nokwiitaala uupika waatiligane.

Oonkundathana dhi nasha nomukundu nguka otadhi tsikilwa natango.

ALI NATANGO OKU LI ENYAKWA

Enyakwa muudhengingonyo omusamane Muhammad Ali (34) natango okwa dhiginine oshishani she konima yolugodhi lwawo naKen Norton.

Omusamane Ali okwa hala okweetha po uudhengingonyo ngele a dhenge Foreman ngoka e sinde Norton.

Ali okwa ti:
"Onda hala okweetha po uudhengingono, ihe inandi hala okweetha oodola ndhoka dhoomiliyona 10 dhi yiwe nadho. Otandi ka dhenge Foreman nuupu. Foreman omupu lutano okudhenga, shi vule Norton. Konima otandi ka lya ihe oshikwiila shevululuko."

**VORSTER OKWA TYA "EENO"
KO V.V.O.**

S. Africa okwa zimina opo oonkundathana kombinga yonakuyiwa yaSuidwes dhi ningwe metonatelo lyiligwanahangano (V.V.O).

Ezimino ndika olya ningwa omasiku ngaka koministeli yotango ya S. Africa omusamane Vorster, pokati kawo naKissinger, amushanga gwiinima yopondje yaAmerika, metalelopo lye muPretoria. Ethaneke otali ti kutya oonkundathana dhi ningilwe muGeneva.

Oshigongi shoondathana ndhika otashi hiywa kwamushanga gwiligwanahangano omundohotola Kurt Waldheim, pamakankameno go V.V.O. V.V.O oye ta kala omufuti gwii-pumbiwa ayihe yi nasha noshigongi shika.

S. Africa ina zimina natango ethaneke lyilongo yaAfrica opo andola oshigongi shoondathana shi kale shopokati kepangelo lyaPretoria na Swapo osho wo lilongo yaAfrica.

Mezimino ndika S. Africa okwa hala wo anywa a tume aakalelipo ye koGeneva opo ya ka kale wo moonkundathana. Etokolo ndika olya tindwa klilongo yaAfrica medhina lyo Swapo.

(The Star 28.9.76)

IILONGA YOLUSHENO OYA PATA

Omusamane J.P.Brand, omukuluntu gwomalusheno ga SWAWEK moSuidwes, okwa holola kutya ngashingeyi iilonga yolusheno poKaluweke itayi longo. Shika osha ningwa paindilo lyehangano lya MPLA muAngola.

Omusamane Brand ina hala wo okugandja omatompelo kutya omolwashike MPLA a gandja elombwelo lya tya ngeyi, oshoka okwe shi tala ko ongeyidhopo miinima yomegumbo lyaantu.

(Advertiser 2:9.76)

KUMARS OTAKU VULU OKUKALWA

Oshitukimbepo shaAmerika shedhina Viking 2, osha tumu omasiku ngaka omathano kevi sha kutha konyothi Mars. Omathano ngaka otaga holola kutya konyothi ndjoka otaku vulu okukalwa kaantu.

AAKAVANGO OTAYA KWATWA

Aantu oyendji mOkavango otaya kwatwa yo yamwe otaya ethiwa pwaana etompelo lyasha. Mokati koonkwatwa omu na aalongi, aakwambepo-unene ya ELOK naangeshhefa.

Pashifo "Die Suidwes Afrikaner" (28.9.76), aakalimo yaKavango oya indikwa okutalelapo aakwanezimo yawo mbo-ka ye li kombanda yomulonga. Otaku popiwa wo kutya omahepeko ogendji otaga ningilwa aantu.

Oshiningwanima shika oshi li po sha eta ekuyunguto enene mOkavango.

ETUMO MU ELOK

dha za kep.5

Momumvo tagu ya aatumwa Aawambo aape otaa yi ko, ngele Kalunga e shi hala.

MuSenegal omu na aavalelwamo Aayafrika, mboka taa popi omalaka gi ili nogi ili, ihe aatumwa yetu otaa ka kala mokati kAasere nokwiilonga elaka lyawo komeho. Aatumwangeleka ya Elok oyo: omusita Paulus Heita nomukulukadhi gwe omupangi Fiina nokelo yawo Rebekka.

AAYAMBIDHIDHI YOSHILONGATUMO

Okuyambidhidha oshilongatumo otaku ningwa pamikalo dhi ili nodhi ili. Omahangano ngaa-shi lyAapangi, lyAasita, lyAalongi, lyAanangeshefa nosho tuu, oga taamba omutumwa Omuwambo ga kale omuthikameni gwe. Pamukalo nguka aakwanegongalo otaa vulu okulongela oshilongatumo noku shi kwatela komeho momagalikaneno nomeliko lyawo.

Omukuluntutumi J. Mufeti ota nyola mehololo lye lyomumvo 1975 ngeyi:

Ovanashilonga otava kendabala, nande omaudjuu nounye otau va shakeneke luhapu. O-nghendabala yavo otave i pandulilwa.

Oihopaelelwa ii, otai kateke oshilonga unene, ndele iwa otai shi ehenifa komesho.

"Omolweni edina laKalunga tali shekwa nomokati kovapaani", oda twa.

Ovankwanghala ove li yo mofuka meenhele da andjakana: Okengele, Otyolo, Onhandashiye, Okayoka osho yo Ongule, oko ku na omutumwa umwe J. Kambungu.

Oluhepo lavo olinene. MOshimholo ove li mo vahapu. Vahapu ove li momikunda dovayamba nohave va longele oilonga ya fimana. Evangeli otali pumbiwa shili, opo li hololele yo ovanhu efimano laKalunga, noku va kwafa voo ve li fimanekele Omushiti wavo.

Matti Seppala

TATĒ ĒHALO LYOYE NALI GWANITHWE



Okakalata haka kegalikano lyoshipalanyolo shomumvo nguka "ĒHALO LYOYE NALI GWANITHWE, otaka monika mOmbelewa yEtumo, mOngwediva. Otaka gu 10c kehe kamwe.

Mbesitela ano mbala kowandelese; Ombelewa yEtumo, P/Bag 505, Oshakati.

Miinyanga yimwe yomangongalo, namo wo otamu monika okakalata hoka. Pula tango koshinyangangongalo shaandjeni.

"Ndele otava udifa ngahelipi nenge kape na omuudifi?" (Rom.10:15).

Omakwafo otaa monika taa di keembinga neembinga kovaitaveli vOmwene. Eli la kula ohali pitile kutatekulu E. Hynonen kuVarkaus, hali ya ombaluvali nomolwalo ovanhu ova mona notava mono oipalwifa natingo.

Omaongalo yo amwe mu Elok okwa kwafa shi fike peenghono davo. Ebandulo nave li pewe wana. Pamba ne va wedele ko shihapu!

Oye oshifo shOngeleka onkwaevangeli paLuther yomOwambokavango. Ohashi nyanyangidhwa mOniipa. Omukuluntu gwoshifo omumbisofi dr. Leonard Auala. Amushanga Rev. Sebulon Ekandjo.

Ondando yoshifo komumvo muSuidwes nomuAfrika alihe R 2.00, kombanda yomafuta R 4.00.

Oondando nomambesitelo naga tumwe kOmukwetu Oniipa: P/B. 2013, Ondangwa.

Omatseyitho agehe gomuntu mwene ohaga futilwa kumwene.

OWAMBOKAVANGO CHURCH PRESS
PRIVATE BAG 2013. ONDANGWA 9270